

შპს „ქ. ბათუმის რესპუბლიკური კლინიკური საავადმყოფო“



გამარტივებული ელექტრონული ტენდერის საშუალებით

ინტერნეტმომსახურებების სახელმწიფო
შესყიდვის გამარტივებული ელექტრონული
ტენდერის

სატენდერო დოკუმენტაცია

კლასიფიკატორის კოდი: 72400000

ქ. ბათუმი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

1. ინსტრუქცია ტენდერში მონაწილეთათვის

- 1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად;
- 1.2. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;
- 1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია;
- 1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება);
- 1.5. სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ა;
- 1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად;
- 1.7. პრედენდენტს არა აქვს უფლება წარმოადგინოს ალტერნატიული სატენდერო წინადადება;

დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტებს შეუძლია სატენდერო კომისიის აპარატში, ქ. ბათუმი, ტბელ აზუსერიძის ქ. 2, ადმინისტრაციული შენობა. საკონტაქტო პირი: ეთერ ცხვარაძე 577 30 29 06; ნინო ცინცაძე ტელ: 577 46 45 25 e-mail: info.republican@gmail.com

2. ტექნიკური დოკუმენტაცია

2.1. შესყიდვის ობიექტს წარმოადგენს ინტერნეტმომსახურებები ოპტიკური ბოჭკოვანი კაბელით და DSL - ტექნოლოგიით;

- **მომსახურება ოპტიკურ ბოჭკოვანი კაბელით:**

- გლობალური ინტერნეტის გარანტირებული სიჩქარე 10 მგბ/წმ;
- ლოკალური ინტერნეტის გარანტირებული სიჩქარე 100 მგბ/წმ;
- სიმეტრიული არხი (Upload=Download);
- არანაკლებ 3 რეალური IP მისამართი;
- დაზღვევა 100%; ძირითადი არხის გათიშვის შემთხვევაში „მიწოდებელმა“ უნდა უზრუნველყოს „შემსყიდველის“ გადართვა ალტერნატიული მიწოდების ხაზზე;
- ტექნიკური მხარდაჭერა კვირაში 7 დღე 24 საათი;
- ინტერნეტით მომსახურება 24 საათიან გრაფიკში, არასამუშაო და სადღესასწაულო დღეების ჩათვლით;

- **მომსახურება DSL ტექნოლოგიით:**

- გლობალური ინტერნეტის სიჩქარე 8 მგბ/წმ-მდე;
- ლოკალური ინტერნეტის სიჩქარე 8 მგბ/წმ-მდე;
- ტექნიკური მხარდაჭერა კვირაში 7 დღე 24 საათი;
- ინტერნეტით მომსახურება 24 საათიან გრაფიკში, არასამუშაო და სადღესასწაულო დღეების ჩათვლით;

2.2. გამარტივებულ ელექტრონულ ტენდერში წარმოსადგენი დოკუმენტები და ინფორმაცია:

2.2.1. პრეტენდენტმა უნდა წარმოადგინოს რეკვიზიტები და სატენდერო წინადადების ფასი დანართი N1-ის მიხედვით;

2.2.2. ინფორმაცია გასაწევი მომსახურების ტექნიკური პირობების შესახებ დანართი N2 მიხედვით.

2.3. ინტერნეტის მიწოდებისათვის საჭირო ტექნიკურ მოწყობილობებსა და მასალებს უზრუნველყოფს მიმწოდებელი.

2.4. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20% - ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ შემსყიდველი ორგანიზაციის მოთხოვნიდან 10 (ათი) სამუშაო დღის განმავლობაში წარმოდგენილი უნდა იქნეს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან აკრედიტაციის ერთიანი ეროვნული ორგანოს მიერ აკრედიტებული პირის დასკვნა (აკრედიტებული პირის მიერ გაცემულ დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი), ასევე შესაძლებელია წარმოდგენილ იქნეს აუდიტორული პირის მიერ გაცემული ექსპერტიზის დასკვნა (დასკვნის გამცემ პირს ან/და ექსპერტს უნდა გააჩნდეს შესყიდვის ობიექტზე აუდიტორული საქმიანობის დამადასტურებელი სერთიფიკატი).

- ზემოაღნიშნულიდან გამომდინარე, რეკომენდაცია ეძლევა ყველა პრეტენდენტს, ვინც უშვებს შესაძლებლობას, რომ შესაძლოა ვაჭრობის დროს დააფიქსიროს ფასი, რომელიც 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, წინასწარ გაარკვიოს ექსპერტიზასთან დაკავშირებული ყველა დეტალი. რაიმე სახის პრეტენზია აღნიშნულთან დაკავშირებით შემსყიდველის მიერ არ განიხილება;

2.5. ანგარიშსწორების პირობები:

2.5.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.5.2. ანგარიშსწორება მოხდება უნაღდო ანგარიშსწორებით ლარში.

2.5.3. ანგარიშსწორება განხორციელდება ყოველთვიურად, საანგარიშო თვის მომდევნო თვის 25 რიცხვამდე.

2.6. შესყიდვის ობიექტის ტექნიკური დავალება და ოდენობა:

2.6.1. ინტერნეტ მომსახურებების ტექნიკური დავალება და ოდენობა მოცემულია დანართი N2-ში, რომელიც მიმწოდებელმა უნდა წარმოადგინოს შესაბამისი ფორმით. მიმწოდებლის მიერ ზემოთ აღნიშნული დანართის შევსება და წარმოდგენა აუცილებელ პირობას წარმოადგენს ტენდერში მონაწილეობისათვის.

2.7. მომსახურების გაწევის ვადები და ადგილი:

2.7.1. მომსახურების გაწევის სავალდებულო ვადაა ხელშეკრულების გაფორმებიდან 2017 წლის 31 დეკემბრის ჩათვლით.

2.7.2. მიწოდების ადგილად განისაზღვრება: ქ. ბათუმი, ტბელ აბუსერიძის ქ.№2, შპს „ქ. ბათუმის რესპუბლიკური კლინიკური საავადმყოფო“;

1.რეკვიზიტები:

შევსების თარიღი -----

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი: ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

პრეტენდენტის ხელმოწერა ----- ბ.ა.

შენიშვნა: მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული.

N	მომსახურების გაწევის ადგილი	მომსახურების დასახელება	ინსტალაციის ვადა	მომსახურების გაწევის ვადა	ერთეულის ღირებულება თვეში (ლარი)	ხაზების რაოდენობა	საერთო თანხა ინსტალაციის ჩათვლით (ლარი)
1	ქ. ბათუმი, ტბელ აბუსერიძის N2.	ოპტიკური ინტერნეტი 10 მბ/წმ;	2017 წლის 01 იანვრამდე	2017 წლის 31 დეკემბრის ჩათვლით		2	
3	ქ. ბათუმი, ტბელ აბუსერიძის N2.	DSL - ინტერნეტი 8 მბ/წმ;	2017 წლის 01 იანვრამდე	2017 წლის 31 დეკემბრის ჩათვლით		1	
სულ							00

• **მომსახურება ოპტიკურ ბოჭკოვანი კაბელით:**

- გლობალური ინტერნეტის გარანტირებული სიჩქარე 10 მბ/წმ;
- ლოკალური ინტერნეტის გარანტირებული სიჩქარე 100 მბ/წმ;
- სიმეტრიული არხი (Upload=Download);
- არანაკლებ 3 რეალური IP მისამართი;
- დაზღვევა 100%; ძირითადი არხის გათიშვის შემთხვევაში „მიმწოდებელმა“ უნდა უზრუნველყოს „შემსყიდველის“ გადართვა ალტერნატიული მიწოდების ხაზზე;
- ტექნიკური მხარდაჭერა კვირაში 7 დღე 24 საათი;
- ინტერნეტით მომსახურება 24 საათიან გრაფიკში, არასამუშაო და სადღესასწაულო დღეების ჩათვლით;

• **მომსახურება DSL ტექნოლოგიით:**

- გლობალური ინტერნეტის სიჩქარე 8 მბ/წმ-მდე;
- ლოკალური ინტერნეტის სიჩქარე 8 მბ/წმ-მდე;
- ტექნიკური მხარდაჭერა კვირაში 7 დღე 24 საათი;
- ინტერნეტით მომსახურება 24 საათიან გრაფიკში, არასამუშაო და სადღესასწაულო დღეების ჩათვლით;

* ინტერნეტ მოდემების ინსტალაცია უნდა განხორციელდეს შემსყიდველის მისამართზე, ქ. ბათუმი, ტბელ აბუსერიძის N2, ადმინისტრაციული ნაწილის შენობაში (საკადასტრო კოდი 05 27 09 011 შენობა 01/2; დანართი N3), სერვერის განთავსების ადგილას.

* ინტერნეტის მიწოდებისათვის საჭირო ტექნიკურ მოწყობილობებსა და მასალებს უზრუნველყოფს მიმწოდებელი.

შენიშვნა: მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული.

სახელმწიფო შესყიდვის შესახებ ხელშეკრულების პროექტი

ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. ბათუმი

----- 20 წ.

ერთის მხრივ, შპს „ქ. ბათუმის რესპუბლიკური კლინიკური საავადმყოფო“ (შემდგომში „შემსყიდველი“) წარმოდგენილი მისი დირექტორის ----- სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, „სახელმწიფო შესყიდვების შესახებ“ საქართველოს კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. მხარეთა ვალდებულებები

1.1. მიმწოდებელი ვალდებულია მომსახურება განახორციელოს შემსყიდველთან, რომლის სარგებლობასა და მფლობელობაში მყოფი ქონება მდებარეობს მისამართზე **ქ. ბათუმი, ტბელ აბუსერიძის ქ.#2;**

1.2. მიმწოდებელმა ინტერნეტ მოდემების ინსტალაცია უნდა განახორციელოს შემსყიდველის მისამართზე, ქ. ბათუმი, ტბელ აბუსერიძის N2, ადმინისტრაციული ნაწილის შენობაში (საკადასტრო კოდი 05 27 09 011 შენობა 01/2; დანართი N3), სერვერის განთავსების ადგილას.

1.3. მიმწოდებელი უზრუნველყოფს ინტერნეტის მიწოდებისათვის საჭირო ტექნიკურ მოწყობილობებსა და მასალებს;

1.4. მიაწოდოს შემსყიდველს მომსახურების ანგარიში დადგენილი ფორმისა და წესის შესაბამისად;

1.5. ინტერნეტმომსახურებები უზრუნველყოს შეუზღუდავად და უწყვეტად, თუ არ არსებობს ამ ხელშეკრულებით განსაზღვრული სპეციალური პირობები;

1.6. მომსახურების პროცესში გამოვლენილი ნაკლოვანებები აღმოფხვრას დადგენილი წესების მიხედვით და დაწესებულ ვადებში;

1.7. განიხილოს წერილობით შემოსული შემსყიდველის პრეტენზია განცხადების შემოსვლიდან 3 სამუშაო დღის ვადაში და გასცეს დასაბუთებული წერილობითი პასუხი;

1.8. შემსყიდველის მოთხოვნის შემთხვევაში მიაწოდოს განსაზღვრული ინფორმაცია მიწოდებული მომსახურების შესახებ;

1.9. უზრუნველყოს შემსყიდველი შესაძლებლობებით მიიღოს ინფორმაცია მისი დავალიანების ოდენობის შესახებ.

1.10. მისი მიზეზით გამოწვეული დაზიანებები აღმოფხვრას მაგისტრალური კაბელის დაზიანების შემთხვევაში 3 სამუშაო დღის ვადაში, სხვა სახის დაზიანების შემთხვევაში 1 სამუშაო დღის ვადაში. აღნიშნული პირობების არსებობის შემთხვევაში შემსყიდველს სააბონენტო გადასახდელი არ დაერიცხება შესაბამისი ვადით. თუ აღნიშნული ვადის გასვლის შემდგომ დაზიანება არ იქნება აღმოფხვრილი, შემსყიდველი ვალდებულია მოახდინოს მომსახურების ფასის გადაანგარიშება.

1.11. შემსყიდველი ვალდებულია:

1.12. გადაიხადოს ინტერნეტ მომსახურების დავალიანება სრულად და დათქმულ ვადაში;

1.13. დაიცვას ამ ხელშეკრულებისა და კანონმდებლობის მოთხოვნები;

1.14. აღკვეთოს მის საკუთრებაში ან თანასაკუთრებაში მდებარე საკაბელო ქსელის ხელყოფა და აღნიშნულის შესახებ შეატყობინოს მიმწოდებლის შესაბამის სერვის-ცენტრს.

1.15. მოშალოს წინამდებარე ხელშეკრულება ნებისმიერ დროს განაცხადის შემოტანით მოშლამდე ორი კვირით ადრე დავალიანების დაფარვის შემდგომ.

2. მომსახურების წესები და ანგარიშსწორების პირობები

- 2.1 მომსახურების ღირებულება ცნობილია შემსყიდველისათვის, წარდგენილი მისთვის წერილობითი ფორმით (დანართი N2) და წინამდებარე ხელშეკრულების ხელმოწერით დასტურდება მისი თანხმობა ზემოთაღნიშნულ პირობებზე;
- 2.2 შემსყიდველი ანგარიშსწორებას აწარმოებს მიმწოდებელთან ყოველთვიურად, საანგარიშო თვის მომდევნო თვის 25 რიცხვამდე.
- 2.3. გაწეულ მომსახურებაზე მიმწოდებლისათვის პრეტენზიების წარდგენა შეიძლება ერთი თვის ვადაში ანგარიშის წარდგენის მომენტიდან. პრეტენზია, რომელიც წარდგენილი იქნება ერთი თვის შემდეგ, მიმწოდებლის მიერ არ განიხილება;
- 2.4 მიმწოდებლის მიერ ამ ხელშეკრულებით გათვალისწინებულ მომსახურებაზე, შემსყიდველი გადაუხდის მიმწოდებელს საბოლოო გადასახადს დანართ N2-ის შესაბამისად.
- 2.5. მომსახურების შეზღუდვა შესაძლებელია განხორციელდეს მიმწოდებლის მიერ, თუ შემსყიდველს აქვს გადაუხდელი დავალიანება.
- 2.6. შეზღუდვა დასაშვებია მხოლოდ 3 თვის განმავლობაში.
- 2.7. მომსახურების შეზღუდვა ან/და შეწყვეტა შესაძლებელია ამ ხელშეკრულებით, ან ნორმატიული აქტით ზუსტად განსაზღვრული პირობების დადგომის შემთხვევაში;
- 2.8. შემსყიდველის ვალდებულება დავალიანების დაფარვის შესახებ მოქმედებს მის შესრულებამდე: – ფულადი ვალდებულებების დროულად შეუსრულებლობის გამო შემსყიდველი ვალდებულია გადაიხადოს მე-5 პუნქტით განსაზღვრული პირგასამტეხლო;

3. ხელშეკრულებაში ცვლილებების შეტანა

- 3.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;
- 3.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;
- 3.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

4. უფლებების გადაცემა

- 4.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე მხარეს მოცემული ხელშეკრულებით არსებული თავისი ვალდებულებები.

5. ხელშეკრულების პირობების შეუსრულებლობა

- 5.1 თუ მიმწოდებელი არ ასრულებს თავის ვალდებულებებს, ხელშეკრულებაში მითითებულ ვადებში, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები;
- 5.2. თუ მიმწოდებელი არ ასრულებს ხელშეკრულებით გათვალისწინებულ პირობებს, მაშინ მას დაეკისრება პირგასამტეხლოს გადახდა 0,15 %-ის ოდენობით ყოველ ვადაგადაცილებულ დღეზე.
- 5.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, ამ ხელშეკრულების მოქმედება ვადამდე შეწყდება.

6. ფორს-მაჟორი

6.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

6.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

6.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

7. სადავო საკითხების გადაწყვეტა

7.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

7.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

8. „მომსახურების“ მიწოდების შეზღუდვისა და შეწყვეტის პირობები

8.1. ნებისმიერი „მხარე“ უფლებამოსილია შეწყვიტოს წინამდებარე ხელშეკრულება 30 დღით ადრე გაკეთებული წერილობითი შეტყობინების საფუძველზე, თუ მეორე „მხარე“ მნიშვნელოვნად არღვევს ამ ხელშეკრულების პირობებს და თუკი ამგვარი დარღვევა არ გამოსწორდება „მხარის“ მიერ მეორე „მხარისათვის“ შეტყობინების გაგზავნიდან 30 დღის განმავლობაში.

8.2. ნებისმიერი „მხარე“ უფლებამოსილია შეწყვიტოს წინამდებარე „ხელშეკრულება“ იმ შემთხვევაში, თუ:

ა) „მხარე“ გახდება გადახდისუუნარო;

ბ) „მხარის“ მიმართ აღიძვრება გაკოტრების ან/და ლიკვიდაციის პროცედურა.

8.3 წინამდებარე „ხელშეკრულების“ ნებისმიერი მიზეზით შეწყვეტისას შემსყიდველი ვალდებულია 30 დღის განმავლობაში სრულად აუნაზღაუროს მიმწოდებელს მის მიერ მიღებული „მომსახურების“ ღირებულება.

9. გამოყენებული სამართალი

9.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

10. ხელშეკრულების ენა

10.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას უპირატესობა მიენიჭოს ქართულ ენაზე დაწერილი ხელშეკრულებას ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

11. გადასახადები და დაბეგვრა

11.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ;

11.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

12. ხელშეკრულების მოქმედების ვადა

12.1 წინამდებარე ხელშეკრულება ძალაშია ----- 2018 წლის 30 იანვრის ჩათვლით.

13. საერთო პირობები

13.1. მიმწოდებელი პასუხს არ აგებს შემსყიდველის იმ პრეტენზიებზე, რომელიც შემსყიდველს გაუჩნდა სხვა ოპერატორის მიერ გაწეულ მომსახურებაზე.

13.2. ინტერნეტ კავშირის დაზიანების შემთხვევაში დარეკეთ ცხელ ხაზზე (ტელეფონის ნომერი)

13.3. მისამართის ან მომსახურე ბანკის რეკვიზიტების შეცვლის შემთხვევაში მხარეები ვალდებული არიან 15 დღის განმავლობაში აცნობონ ერთმანეთს ამის შესახებ;

13.4. მიმწოდებელი პასუხს არ აგებს შემსყიდველის მიერ გადაცემულ, მიღებულ და ა.შ. ინფორმაციაზე.

13.5. ხელშეკრულება შედგენილია 3 ეგზემპლარად, რომლის ერთი პირი გადაეცემა მიმწოდებელს, ორი ინახება პირი შემსყიდველს.

შემსყიდველი


მიმწოდებელი



საქართველოს იუსტიციის სამინისტრო
საჯარო რეესტრის ეროვნული სააგენტო
საკადასტრო გეგმა

მომხმარებლის საკადასტრო კოდი:
განცხადების რეგისტრაციის ნომერი:
მომხმარებლის ფართობი:
დაგეგმვა:
კატეგორია:
გეგმვის თარიღი:

05 27 09 011
882015326736
22109 კვ.მ.
არასასოფლო-სამეურნეო
16.06.15



საჯარო რეესტრის ეროვნული სააგენტო: თბილისი 0102 წმ. ნიკოლაძის ქ. მდინარის ქ. 2 ტელ: (995 32) 91 04 27; ფაქსი: (995 32) 91 03 41
ბათუმის სარეგისტრაციო სამსახური, ქ. ბათუმი, ვაჟა-ფშაველას ქ. 765

www.na.gov.ge